

309.12

3377.

吳中丞公傳

公諱麟瑞字在賢號秋圃浙西海鹽人也
生而聰敏幼有神童之目及長為諸生造
次必於禮法萬曆戊午與弟忠節公同舉
於鄉明年成進士授常州府推官常故劇
郡也公為政一以愛民為本急豪彊寬貧



弱犯法者不少假借時妖人葉朗生馬道人等煽亂江南常有陳鼎相為應聚眾劫財擁戴宗室齊庶人妄占天象執巳岌岌公計誘陳鼎相使吐實於是渠魁悉擒江南繇是晏然公聲譽籍甚輿論以為旦暮必居臺省然豪右嫉公者眾乃轉公南儀

曹主事復歷祠部進司勳郎中實左遷也
公毫不介意閒散無事日縱履秦淮牛首
間賦詩見志若將終身焉咸丁外艱訃日
即號泣凱道服闋擢右叅議常鎮兵糧道
非所望也先是公理常日機山相君以館
職入都道過常其僕倚執鬻鹽公繫其僕

將加罰焉機山為書婉辭以謝祈為小懲
公竟不少貸機山恨然曰若庸知不在我
掌握中乎而敢如是及公在南部機山時
為宗伯意欲求公小疵以相報及見公即
日奔竄不俟僚友賻贈反為動色起敬時
為相加推轂焉又公前理常日豪右惴惴

奉法及公去後豪右遂凌轢小民以得志
小民無所控訴遂相率聚眾至數千万人
凡豪右奴僕入村落者不問善惡俱投諸
水火以快其忿甚至焚廬殺冢閭郡鼎沸
於是士大夫相與議曰非得吳公不可故
復有是擢焉然於公實出望外矣公蒞任

即曰良民不可不撫亂民不可不懲於是
置十餘人於重典餘慰安之民以大和時
武備積弛而山左游兵作亂撫軍徐志烈
公殉焉登萊一帆可達江陰公力為振刷
敝甲鈍兵肅然一新而大盜不敢南犯丹
陽練湖淤四十餘年矣公以為漕輓所關

且漑田甚多不可廢也遂躬自相度程督
復畝計工民不言勞官不費帑績用告成
蓄洩有所無旱澇憂公私便之遷江西按
察司副使分巡湖東道建昌為益藩封國
宗室衆多官其土者皆俯首下氣莫敢與
較公待之以禮持之以法即親藩亦凜凜

戎勿祀公禁令歇洋渡當時江孔道益藩
感於邢家言禁民不得建橋民曰風波覆
溺者無算公下車即為啓告至於再三益
藩感公之誠亦為轉圜首分祿以倡公志
捐俸以助士民無不鼓舞樂輸橋遂得成
長一百八十大名曰萬年士民生為公立

祠樞畔尸祝焉遷叅政分守九江道以丁
內艱不赴除曾補廣東叅政驛傳道攝分
守嶺西事嶺西為使府所蒞時摠制張公
以賞罰失平致悍卒四千人倡亂歛五樹
旗肇慶郭門不啓公時已解紱至廣州聞
變即馳至肇慶告張公以開門示信復馳

檄亂兵語以利害亂兵見公檄相顧曰吳
公必不負我曹遂解甲聽撫是時徽公馳
還鞏慶幾殆移江西參政不守湖西道時
流寇蹂躪三楚而湖西之袁州鄰楚新蔡
於寇臨江舊為駐節地公至即移駐袁州
曰吾不可以避難且吾苟有備寇何能為

於是嚴戰守之備一如江陰之防東寇以
故終公任湖西無患遷按察使公屢秉憲
綱俱以察吏安民為要故在常鎮作吏治
商在湖西作吏約以戒屬吏及長外臺尤
以澄清為己任貪吏雖寸必黜即僚屬不
為少貸若以闡允廢者原其心無他賜雖

卑秩亦為寬假民有獄訟多親訊鞠不輕
委之守令曰民有寃而守令不能申理故
致上控今復委之守令是民寃終不達也
豈朝廷所以設憲臣之意哉又極慎罰鍰
曰勿謂此區區乃民間賣兒鬻媼錢也以
故皆稱曰吳公猶月也光明朗徹無纖毫

塵垢是時寇日多而賦日增公戚然以為
長此安窮將來禍有不可言者因作瞽論
數千言益以己目疾喻國事安危欲託臺
使者入告後臺使者物故公知己誠不得
上達遂決意乞休及遷右布政因辭疾不
赴歸家未幾而偏沅告急首輔以公才望

薦乃特旨起為巡撫初命下公猶力辭及
命再下而公亦慨然曰此吾致命之日矣
遂稱貸金錢募勇敢士趣治裝為行具會
以鄭撫攝沅事遂已及甲申之難公痛悼
家國因感情成疾疾革猶以固圉未善為
憂臨沒遺令不得以冠帶斂蓋以不得身

從君死爲大恨焉卒之日至鬻產以斂凡
公居官兩定變亂一弭內難兩靖外患一
濬河渠一建橋梁俱係國計民生之大者
素有遠識及知人鑒志節公少時晦默人
無知者公以爲大器與相砥厲即以不朽
之業期之諭德馬文忠公未第時爲文繼

橫博辯不徇世尚試輒不利公見其文歎
曰枳棘豈鸞鳳所棲即以明經薦馬公曰
得入成均以舉進士後公與書往復惟以
節義相勗及遘國難而兩公俱成烈士初
公之作瞽論也世皆怪之未幾而天崩地
圻不幸而公言皆驗居家天性孝友十歲

曾母王泚人哀毀如成人繼事後母黃淑
人以孝謹接諸弟以友愛始終無間教子
姓甚嚴有萬石君家法與人交必誠必敬
豁然無隱然不可干以私自守甚廉然喜
賑施貧之不欲令人知故世樂公之直而
憚公之正慕公之廉而惟公之厚峒曾本

公部民也在江右則為僚佐而又常吏於
公之鄉故知公之政與行最深聊為紀其
大概以俟後之采風者歲次乙酉仲夏月
吉畺城侯峒曾撰

按公遭國變後憂憤成疾而卒而明史
不為立傳何也余與公之五世孫應和

予脩元弟文曰得讀通政侯公所撰家
傳載公行事特詳余恐鏤木之文不能
傳久為謹錄一通貽二君俾勒石以補
前史之闕余並得藉公此文與名蘭末
亦有深幸焉嘉慶元年丙辰春三月史
官錢唐後學梁同書并跋




山舟先生以書名擅海內舊矣大抵
小楮工力尤深頃壽近八旬而腕力

更健耄年進德今時之衛武歟同

時服膺良非阿好也丹徒王文



明史本傳



吳麟徵字聖生海鹽人天啟二年進士除
建昌府推官擒豪猾捕劇盜治聲日聞父
憂歸補興化府廉公有威僚屬莫敢以私
進崇正五年擢吏科給事中請罷內遣言
古用內臣以致亂今用內臣以求治君之

於臣猶父之於子未有信僕從舍其子求
冢之理者又言安民之本在守令郡守廉
縣令不敢貪郡守慈縣令不敢虐郡守精
明縣令不敢叢勝宜倣宣宗用況鍾故事
精擇而理遣之重以璽書倣便宜久任民
生疾苦吏治臧否使得自達天子時不能

行麟徵在諫垣直聲甚著尋上疏乞假葬
父既去貽言路公揭謂自言官積輕廟堂
之上往二反其言而用之奸人窺見此旨
明告君父目為朋黨自稱孤立下背公論
上竊主權諸君子宜盡化沾二之意毋落
其彀中使清流之禍再見明時居久之還

朝初吏部尚書田唯嘉臧汙唯嘉罷去再
遷刑科給事中丁繼母憂服闋起吏科都
給事中時貨賂公行銓曹資格盡廢麟徵
上言限年平配固銓政之弊然舍此無以
待中寸今遷轉如流不循資格巧者速化
拙者積薪開奔競之門無益軍國之計帝

深然之十七年春推太常少卿未幾賊薄
京師麟徵奉命守西直門二當賊衝賊詐
為勤王兵求入中官欲納之麟徵不可以
土石堅塞其門募死士絕城襲擊之多所
斬獲賊攻益急麟徵趨入朝欲見帝白事
至午門魏藻德引麟徵手曰國家如天之

福必無他虞旦夕兵餉集公何匆遽為引
之出遂還西直門明日城陷欲還郎已為
賊所據乃入道旁祠作書訣家人曰祖宗
二百七十餘年宗社一旦至此雖上有龍
亢之悔下有魚爛之殃而身居諫垣無所
匡救法當襦服殮用角巾青衫覆以單衾

以志吾哀解帶自經家人救之甦環泣請
曰待祝孝廉至一訣可乎許之祝孝廉名
淵嘗救劉宗周下獄與麟徵善者也明日
淵至麟徵慷慨曰憶登第時夢隱士劉宗
周吟文信國零丁洋詩今山河碎矣不死
何為酌酒與淵別遂自經淵為視含斂而

去贈兵部右侍郎謚忠節

本朝賜謚貞肅方賊之陷山西也薊遼摠
督王永吉請撤寧遠吳三桂兵守關門選
士卒西行遇寇即京師警且少可援天子
下其議麟徵深然之輔臣陳演魏藻德不
可謂無故棄地二百里臣不敢任其咎引

漢棄涼州為證麟徵復為議數百言六科
不署名獨疏昌言弗省及烽烟徹大內帝
始悔不用麟徵言旨下永吉馳出關徙寧
遠五十萬衆日行數十里十六日入關二
十日抵豐潤而京師已陷矣城破八門齋
啟惟西直門堅塞不通至五月七日集民

夫發掘乃開

乾隆己酉秋吳氏後人子安子脩兩君
奉其所藏先貞肅公殉難時家書墨
迹數帙見示乞余一言識其後余皇然
未敢也謹錄明史本傳一篇付兩君裝
冊竊以附名簡末為幸余

賜進士出身
日講起居注官翰林院
侍講錢唐梁同書拜手書




吳山啟先生傳

海寧許焯撰

錢唐梁同書書

先生諱朝銓字同衡姓吳氏山啟其自號
本姓胡宋哲宗時文定公安國脩簡公宗
愈兄弟竝理學大儒名在元祐黨籍脩簡



六世孫贈沂州知州諱忠者明洪武初以
戍海由天台至海鹽之澉浦鎮始易今姓
七傳為大司寇諱中偉贈少司馬諱中任
兄弟贈公生丈夫子四長中丞公諱麟瑞
萬曆己未進士都察院右僉都御史巡撫
偏沅先生曾祖也次太常少卿贈兵部右

侍郎謚忠節

本朝賜謚貞肅諱麟徵明季甲申三月之
難貞肅公殉焉中丞公已家居聞變感情憤
死兩公忠正廉直顯聞朝野一時子姓咸
敦孝行講洛閩之學為詩古文辭矩度井
井卓然古作者忠孝文章萃於一門猗歟

盛矣祖諱晉晝崇正丙子舉人以孝聞有
蓬蒿園詩集父諱為龍抗志節善文詞康
熙戊午以布衣薦博學鴻詞不起有樹護
軒詩賦橐母錢氏崇正己卯舉人潤徵女
太常公薇元孫女也先生幼穎異弱歲即
工詩出入香山劔南兩家不襲皮毛詞必

已出同邑。少宰孫適極稱許之。游京師，以國子監生考授州同知。屢試不得志，家故貧，先世雖累葉，賢顯皆不事生產，依人遠游，掌書記，歷秦蜀滇粵，留連山水，篇什益多。晚益貧，性益落拓，得錢即沽酒飲客，家無隔宿之儲，而坐客常滿，吟誦之聲徹

戶牖著有巳晚亭詩集二十八卷辛年八
十六配高氏康熙丁卯副榜和女子儀洛
縣學生有文行孫男有榆有杜焯大父宗
伯公與徵士公為執友焯又與儀洛善知
先生宜莫如焯敢謝不文

論曰海鹽吳氏自司寇公忤魏閣乞身以

清節著中丞公貞肅公大節炳在國史仲
木哀仲兩先生以親曾哀毀卒稱東海兩
孝子其文章知名者指不勝數先生承忠
孝之後敦行讀書文采風流閱世而弗替
焯嘗至永安湖拜永思之祠登寶綸之閣
低回不能去何吳氏明德之遠而後嗣之

多賢也嗚呼君子之澤可以觀也



別後忽又將兩月了時惟聞呼康呼
紫之存之為名城有朱步如氏不獨

正以所歷表湖系象也

素後昨日如得

言多石表紫字序試者者即借 乞多

祀傳、字表矣、約、問、表、以、附、携、上、乞、為

檢入不佳弗深水候 止履并取聲乞兒

里少之友

辛巳午後少身弗日有



西門之出堅如鐵。睿梁人墨守功國破。
山河成底樣。一層窗帟裂秋風。

號泣攀髯不可聞。家書牂牁寫云云。
千秋紙上軒昂氣。化作澗東海上雲。

嘉慶五年七月朔越四日甲申

秀水後學朱休度敬題



珂羅版
精印

碑帖

臨池家
必備

商務印書館發行

史晨碑 三元

明賢遺墨 每冊 貳

姚惜抱墨蹟 貳

同李樂師碑 貳

吳江天際烏雲帖 貳

朱子 計騎墨蹟 貳

廣武將軍碑 貳

宋王右軍書 貳

宋夏承碑 貳

宋孔祭酒碑 貳

同刻張猛龍碑 貳

拓本張猛龍碑 貳

宋漢婁壽碑 貳

宋謝蘭亭宣城本 一

宋謝蘭亭王沈本 一

宋謝蘭亭玉泉本 一

唐九成宮醴泉銘 一

拓曹景完碑 一

拓薛刻書譜 一

索靖書出師頌 一

南齊蘭亭相本真蹟 一

顏魯公書裴將軍詩 一

蘇東坡書懷素自序 一

蘇東坡書昆陽城賦 一

蘇文天際烏雲帖 一

泉甫君碑 一

補(185)

Biographies of Wu Ling-sui, Wu Ling-ching and Wu Ch'ao-ch'ien
Reproduction of Liang Shan-chou's Handwriting
The Commercial Press, Limited
All rights reserved

中華民國十四年一月初版

（中山書）吳中丞貞肅司馬三公傳（一冊）

（每冊定價大洋叁角）

（外埠酌加運費）

發行者 商務印書館

印刷所 商務印書館

總發行所 商務印書館

分售處 商務印書館

北京天津保定奉天吉林龍江
濟南太原開封鄭州西安南京
杭州蘇州安慶蕪湖南昌漢口
長沙常德衡州成都重慶瀘州
福州廣州香港梧州梧州
貴陽 瀘州 瀘州 新加坡

不准翻印